


Broj:01-04-49840-1/25
Sarajevo, 15.10.2025. godine



-VLADA KANTONA SARAJEVO

**- MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA KANTONA SARAJEVO**

⊖ DIREKCIJA ZA ROBNE REZERVE KANTONA SARAJEVO

PREDMET: Zastupničko pitanje, dostavlja se -

Zastupnik Faruk Selmanović na 25. radnoj sjednici Skupštine Kantona Sarajevo, održanoj dana 15.10.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavio je **zastupničko pitanje** koje vam u prilogu dostavljamo.

Zastupnik je pitanje dostavio u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišćени текст, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Amela Smailagić-Čamdžić
Kontrolisala: Aida Zeković



**PREDSEDavajući
SKUPŠTINE KANTONA SARAJEVO**

CO:

- sekretar SKS
- sekretar Vlade

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hereegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vladi Kantona Sarajevo , Ministarstvo Komunalne privrede i zaštite okoliša
Kantona Sarajevo, Direkcija za robne rezerve Kantona Sarajevo

PREDMET: Problem grijanja u Općini Vogošća

Poštovani,

Na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo“, drugi novi prečišćeni tekst), upućujem zastupničko pitanje resornom ministarstvu:

1. Kada će tačno biti uspostavljeno centralno grijanje u punom kapacitetu za sva naselja na području Općine Vogošća?
2. Ko će snositi odgovornost za to što građani Vogošće već skoro cijelu godinu nemaju funkcionalno grijanje u svojim domovima, dok istovremeno nadležne institucije (Ministarstvo komunalne privrede KS, Vlada KS i rukovodstvo preduzeća BAGS-Energotehnika) iznose međusobno kontradiktorne i neusaglašene informacije o uzrocima i rješenju ovog problema?
3. Hoće li Ministarstvo komunalne privrede KS preuzeti odgovornost za ovaj propust i javno priznati svoju ulogu u nastaloj situaciji – obliku institucionalnog terora nad građanima Vogošće – te koje će konkretne korake poduzeti kako bi se ova agonija okončala i spriječilo da se ikada ponovi?

Obrazloženje:

Građani Općine Vogošća trpe izuzetno teške uslove zbog nefunkcionisanja sistema centralnog grijanja u skoro čitavoj 2024 i evo 2025. godini. Više od 700 domaćinstava praktično je ostavljeno bez grijanja tokom grijne sezone – stanovnici Vogošće hladne jesenske i zimske dane dočekuju u negrijanim stanovima. Posebno zabrinjava što ti građani uredno izmiruju svoje obaveze za grijanje, a ipak su bili primorani provesti zimu u hladnim domovima. Čak ni računi za mjesec u kojima grijanje uopće nije funkcionisalo (novembar i decembar 2024., te januar i februar 2025.) nisu umanjeni za dane bez grijanja, što ovu situaciju čini skandaloznom. Ovakav odnos prema građanima ostavlja dojam kao da se njih okrivljuje za nastalu krizu, iako su upravo oni žrtve i taoci neažurnosti i neodgovornosti nadležnih institucija.

Umjesto da Ministarstvo, Vlada Kantona Sarajevo i uprava nadležnog preduzeća djeluju jedinstveno i koordinirano na rješavanju ovog problema, svjedočimo međusobnom prebacivanju odgovornosti i kontradiktornim izjavama odgovornih. Resorno ministarstvo u više navrata tvrdi da je osiguralo sredstva i ispunilo svoju obavezu, dok uprava preduzeća BAGS-Energotehnika navodi da grijanje ne može isporučiti zbog nedostatka energenta i sporog reagovanja vlasti. Građani su izloženi zbunjujućim i oprečnim informacijama, umjesto jasnim odgovorima i rješenjima. Podsjećam da je preduzeće BAGS-Energotehnika (zaduženo za isporuku toplotne energije u Vogošći) u većinskom vlasništvu Kantona Sarajevo. Dakle, i Vlada KS i resorno Ministarstvo direktno su nadležni za rad ovog preduzeća, te ne postoji nikakvo opravdanje za ovako neusklađeno djelovanje institucija i kantonalne firme kojoj su osnivač. Upravo zbog toga građani Vogošće s pravom osjećaju da su postali taoci institucionalne nebrige, a višemjesečno uskraćivanje osnovne komunalne usluge doživljavaju kao vid institucionalnog terora.

Zbog svega navedenog, tražim da se na ovo zastupničko pitanje dostavi jasan i nedvosmislen odgovor. Građani Vogošće imaju pravo znati tačan datum uspostave punog kapaciteta grijanja u svojim domovima, nakon gotovo godinu dana čekanja. Također, očekujem da Ministarstvo preuzme svoj dio odgovornosti za propuste koji su do ovakve situacije doveli, te da Skupštinu i građane izvijesti o mjerama poduzetim protiv odgovornih pojedinaca i institucija. Krajnje je vrijeme da resorno ministarstvo, u saradnji s Vladom KS i rukovodstvom BAGS-Energotehnike, prestane upućivati kontradiktorne izjave i konačno riješi problem grijanja u Vogošći, čime bi se okončala dalja patnja građana i otklonila opravdana ogorčenost javnosti.

S poštovanjem,

Zastupnik u Skupštini Kantona Sarajevo

Faruk Selmanović, zastupnik u Skupštini Kantona Sarajevo